



## Ompumbwe yomundohotola gwomaye-go ya kandulwa po mOnandjokwe

Omusita Reijo Kaarto, neefolo lye Rakel, omundohotola gwomayego naanona yawo yatatu, Hanna-Maija (10), Taimi-Maria (8) nonkelo yawo Markus, oya galukile ishewe keyakulo lyOngeleki sho ya zimine eindilo lyOngeleki okugalukila mpaka.

Omukwetu sho a tsakanene nomusita Kaarto pegumbo lye, okwa popi pOmukwetu nelaka tali itegelele, a ti: "Otu uvite nawa sho twa galuka, notwa dhiladhila kutya otwe ya kegumbo.

"Onda pewa iilonga ongomusita mOnandjokwe, okuuvitha nosho wo okukwatha aantu pahungomwenyo. Pamwe niilonga yuusita mOnandjokwe otandi yakula wo mombelewa yoAudio Visual pOniipa."



Egumbo lyaKaarto; okuza kolumoho Taimi-Maria, meme Rakel, Markus komeho, omusita Kaarto naHanna-Maija.

Meme Kaarto okwa holola paufupi lela nkene u uvite sho a galukile keyakulo lye mpaka, unene tuu sho ta ka longa natango ongomundohotola gwomayego mOnandjokwe, a ti:

"Onda nyanyukwa okukala mpaka natango nokutsikila iilonga yandje."

Ofamili yaKaarto oyi ile mpaka lwotango mu ELCIN omumvo 1977, noya shunine kOsoomi omumvo 1980.

Omusita Kaarto powandaha pamwe naanashilonga pOmbelewangeleki eti-26.08.1986 okwa gandja omakundo ngoka ga zi kookuume, nokwa lombwele aanashilonga a ti:

"Kalunga oye awike e na oonkondo okulundulula iinima muuyuni."

Omumbisofi Dumeni okwe mu tumbulile wo omatumbulo getaambo kutya "tse otwe mu taamba ongo-yanwe yomokati ketu."

Joel Akudhenga

### Obibilio pOniipa ya lukilwa nakusa Auala

**ONIIPA:** Elelongeleki lyeti 22-24 Juli nuumvo olya tokola montokolwa yalyo onti 329 edhina lyobibilio ndjoka ya tungwa pOniipa li kale Auala - ELCIN Library.

Shoka sha lukitha ongulu ndjika yi kale Auala - Elcin Library, omumbisofi Dumeni okwe shi hokolola kutya edhiladhilo ndika olya za nale, sho omumbisofi nakusa Auala a monene oshiponga shoshihauto mombuga omimvo dhonale.

Konima yoshiyonga omumbisofi Dumeni okwa hokolola kutya opwe ya edhiladhilo kutya Kalunga sho a uvu omagalikano gootaali oyendji muuyuni, nokwa aludha dr Auala, opwa uvatharwa opo shaangoka u uvite epandulo e shi holole nokugandja omagano omwaalu gwiimaliwa yontumba, opo pu totwe oshiketha, nosha lukwa Auala Fund, shoka osho sha tamekitha edhiladhilo andola pu tungwe obibilio.

Ihe omolwiimaliwa inaayi gwana, edhiladhilo olya kala inaali tsakanithwa. Ihe sho pwa monika iimaliwa, edhiladhilo ndyoka olya tsakanithwa.

Omumbisofi okwa gwedha ko ishewe kutya ongulu ndjika oya lukilwa nakusa Auala omolwokudhimbulukwa nokusimaneka ewiliko lye (nakusa Auala),

Tala kep. 5

# Dr Shejavali ta nyamukula oshifo

Etopo loboma mOmbaye ohani ei, nomapopyo oshifonghundana sho DTA, Die Republikein sheti 4 na 5.8.1986 okuulika omumwe mwi komahangano moshilongo oo ihaa tu a fife nomulandu wepangelo, kutya oo e na sha netopo eshi osha fininika hamushanga wOraata yEengeleki dr. Abisai Shejavali a tye sha ngaashi tashi landula momukanda tau shikula apa:

“Namiibia ola kala eedula dihapu melongifo leenghono. Etopo loboma yomokatomeno omo mwa fila ovanhu vetu navamwe va ehamekwa mulotete laAguste 1986, osho kutya kashi fi oshinima shipe, nando osho ohatu shi tumbula nonghenda inene.

“Eedula dihapu osho ovanhu vetu va kala tava yehamekwa, tava dengwa, tava tulwa meedolongo pe he na epangulo notava shundulwa ketanga leameno, unene koumbanganlanhu woshilongo.

“Ovakulukadi otava kwatwa keenghono, kovakwaita, ovanyasha vetu omayovi nomayovi ova faduka po moshilongo, novanhu otava hepele koshi yeeveta “deameno vati” dou-pwidi.

“Ohatu kuu mokukondjifa oku he na ouyuki oku taku ningilwa ovanhu vetu. Omitima detu otadi yehama nokudiladila efyo lovakwashiwana ngaashi Johannes Kakuva, oo a fila modolongo yovapolifi, Thomas Nikanor, ou a fila modolongo mOsire ou fiyo onena efyo laye ihali yelifwa kutya ola enda ngahelipi.

“Hatu diladila kedipao lomulongi omufimanekwa Jona Hamukwaya ou a dipawa kovapolifi osho yo aveshe va hepela melongifo leenghono eli la ninga ombinga imwe yonghalamwenyo kova-kwashiwana vahapu.

“Ohatu kuu omolwefyo laFrans Uapota nohatu ekeleshi neenghono eshi sha ningwa kepangelo okumweneka epangulo lovakwaita ovo va kwatelwa oshinima osho.

“Kapitia King ou e na sha netulo modolongo la Johannes Kakuva mOpuwo, olo la ka xulila mefyo, fiyo onena eli ina pangulwa, eedula hamano da pita po paife, Kakuva a fya.

“Ohatu dimbulukwa natango kedipao li etifa onghenda komuntu e he na etimba, omushamane Fritz Reinhold, ou a dipawa koKoevoeta. Hatu dimbulukwa vali eponokelo li nyanyalifa.

“Oilyo yetanga leameno oyo hatu ti oya yofa nomundilo omukwashiwana e he na etimba Ndara Kapitango. Ou okwa kanifa okwooko nokudja opo okwa fya efyo lili. Ovakwaita ovo ve shi ninga ova futifwa ashike R50.00.

“Otwa shiiva natango ovanyasha vavali ovo va ehamekwa nayi omafiku aa eshi kwa li tava hepekwa nokuyofwa ketanga leameno. Oshiwike kesne ohatu lombwelwa nghe sha enda nawa kombinga yoilonga yetanga leameno

nohatu lombwelwa vahapu ovo va dipawa po.

Fiyo onena katu shi ovanhu ava kutya ohava fudikwa peni novo oolyelye. Fye katu shi osho hashi ningwa po noilwifo oyo haku tiwa oya kwatwa ko.

“Ovashukili wepangelo omafiku aa ove li humbata nai moipafi nokushinda ongudu inene oyo ya li mongedamushiakano yopambili noku he na oumbada wovapolifi. Ovo kwa li va tokola va fikamene omatilifo a tya ngaha, kutya okuvo vene ile okomaliko avo, okwa li va ponokelwa.

Ovashidandi tuu ovo pahepu loshifonghundana Republikein, ova kala tava pula Swapo a mweneke, ova kundafana omadipao ovanashilonga vombelewa ya CCN ovo ve etifwa omukumo oku ambidida ovanhu momikunda ovo ve li moluhepo meeptaati odo hadi longelwa koshifo osho (Republikein).

“Oilyo yongudu yoNudo oya monikile etimba eshi ya dengele ovalongi needimbo moAminius omolwiinima yopapolotika molwaashi ashike itava tu kumwe nopolotika. Ovanhu vetu otava hepele momulandu ou wa tungwa owina okulongifa ceenghono.

## OMBILIVEPANDULO YA DJA KOSHITAI SHAKUNENE

Shangalala  
12 Juli 1986

Omumwatate omuholike,

Onda hala ashike ndi ku shiivife kutya oshiyandjiwa shoye molwoshilonga shetumo muKunene osha fika nawalela, onghambe yoshivela, etemba litalalalela otwe li tumbula eti-2 laJuni 86, nepandulo linene.

Inatu shiiva edina loye ndelene pamhepo otu shi shii noshe tu yelela kutya oove oumwe womookaume koshilongatumo ovo tava dulika koshipango shOmwene (oshipango shetumo).

Apa onda hala ndi ku pandule noku ku kumika melalakano loye kutya, Omwene woshilongatumo otaka punika eyakulo eli loye moshilonga shaye li etife oyimati pefimbo la wapala. (2Kor.9:10).

Otu li momundilo womaupyakadi ndele nee Omwene opo e li, ota amene oshilonga shaye. Oshilonga otashi ehene komesho. Otu na ovafitaangalo 9, ovaevangeliste 12, ovalongi veefikola domashasho nomapameko ve dule 100, Pehulilo lomudo 1984 oilyo yovaitaveli aveshe mokunene oya li 5,500, omudo waya 1985 okwa wedelwa oilyo 2,291 nopehulilo omuvalu owa londa fiyo 7,791.

“Omulandu oo otaw lelepeke notau kaleke epangelo li he li paveta la SA li kale moshilongo shetu. Efimbo nefimbo Oraata yeengeleki muNamibia otai pula etulomoilonga loshitokolifo 435 shOraata yeameno opo ombili nouyuki u uye paudemokoli nelongifo lekuni li xulifwe po pamwe nomahepeko nomadipao alo.

“Oshifo Republikein otashi ulike komahangano; ku SWAPO nokOraata yeengeleki kutya ovatondi na oo e na sha nomafyo ovanhu kOmbaye nomahameko. Eshi otashi keelele ekonakono lovapoli fi le lixwapo moshinima osho sho itashi teelelifa vali omunhu epangulo lohofa, osheshi ouyelele owa yandjwa nale.

“Oshifo eshi otashi ningifa omutoto wa SA u kale wombiliha, otashi kunu outondwe nomakufafane po mokati kOvanamibia. Nandi shi yelifa vali natango kutya Oraata yeengeleki kai fi oSWAPO, ashike oi na eteelelo pamwe na SWAPO ko kuhangike oshiwana shi na ouyuki, inashi tungilwa koka-tongotongo, koukwamuhoko noku-luvala lwoshipa.

“Swapo okwa shakena ashike naye mediladilo lokukondjifa oku he na ouyuki nomafininiko. Ohatu longo nohatu kondjele emanguluko lashili laNamibia nelifikameno lovanhu vasho.

“Fye Ongeleki ihatu kondjele ceenghono dopakafimbo, ndele ouyuki washili oo muo edina laKalunga tali fimanekwa.”

“Ndele tala, Ame ondi li pamwe nanye omafiku aeshe fiyo okexulilo lefimbo lounyuni.”  
(Mat.28:20b) Eeno shili Omwene opo e li.

Tambula omakundo a dja kwaava voye,  
Ponhele,

Noa Ndeutapo.

### EPULO

Ne pule ngeyi kOmukwetu omusimanekwa, yamwe yomutse otaa ti aniwa Osoondaha esiku lyotango lyoshiwike, yamwe otaa ti esiku lyahugunina koshiwike, omanga Ombimbeli tayi tu lombwele: Omaandaha ogo esiku lyotango lyoshiwike. Ndele Etiheyali olyo Kalunga a vululukwa miilonga ye. Nandi pewe uyelele moshinima shika.

Mboka hamu lesa mOmukwetu nosho tuu, tangi.

Hamukwaya Mateus  
Klein Aub

### EYAMUKULO:

Aajuda nge taa popi esiku lyotango lyoshiwike, ngaashi tashi adhikwa mOmbimbeli, nena otaa dhiladhila Osoondaha payalulo lyetu.

Aalanduli yaJesus inaa longitha Esapati olyo li ninge Osoondaha yawo, ihe oya kutha esiku Jesus a yumuka, Omaandaha payalulo lyOshijuda, olyo li kale Osoondaha yopakriste.

Amushanga gwOmukwetu

# OMUNTU OSHIKE?

## Okuuva ko omuntu pahungomwenyo

**Moshipopwiwa shika otatu ka taleni nkene omusita (pastor) e na okuuva ko omuntu (omukwanegongalo) e na uudhigu wontumba a yi nawo komusita nkene e na oku mu yakula.**

**Miilonga ayihe yomaludhi agehe, kutya oyomoshinyanga, oyomegumbo, oyomombeleva yontumba, tango omuntu ou na okutseya kutya oto longo nomuntu lye nokwa tya ngiini muukwatya we.**

Ngele otwa hala tu longeni nawa iilonga yetu, otwa pumbwa tango okutseya pokudhiladhila ngele otu na tuu iipumbiwa (materials) yagwana nawa, notu na wo okutseya nkene tu na oku yi longitha.

Oshitya "tse" otandi shi longitha mpaka nda dhiladhila tse yene ongaakriste nda dhiladhila wo yalwe mboka ya shuna monima nenge aapagani yo yenyene.

Omusita gwegongalo oku na okukala e shi shi sha yela nawa kutya, sho e li megongalo oku na aakwanegongalo oyendji. Oku na okutseya nokwiilonga kutya aantu ayehe kaye thike pamwe muukwatya. Shaangoka oku na uukwatya wa yooloka. Shaa ngoka okwa za momudhingoloko gwaandjawa gwa yooloka komikwawo.

Otwa tseya wo nawa kutya omusita oye naanaa omuntu ngoka ha longo noha viyauka naantu oyendji. Yamwe otaye ya kuye ye na omaudhigu gawo ga yooloka. Yamwe ye na omaudhigu ga faathana. Ihe omusita oku na tango okwiilonga aantu ye uuna taye ya kuye kutya nguno oku na uukwatya wa tya ngeyi nenge ngwiya oku na uukwatya wa tya ngeyaka.

Ashike nee tango omusita oku na okukala e na iilongitho ya gwana, opo a kandule po omikundu dhaakwanegongalo, pehala lyoku dhi gwedhela ashike. Opwa holoka aasita yamwe omuntu to yi kuye u na uudhigu (uunene tuu wokomwenyo) opo u ka kandulwe po, ihe poompito dhimwe uudhigu ohau londekwa ashike kuukwawo.

Nkene aasita taa kala naantu yawo nonkene taye ya yakula (treat), osha thikama kushoka omusita ta tala omuntu ngoka tayi kuye kutya omuntu a tya ngiini. Omusita oku na okukala e shi shi kutya aantu mboka ta yakula oyaKalunga noye na lela esimano puKalunga. Onkee uuna omusita a yakula nayi gumwe gwomaantu yaaKalunga mboka, nena onawa a leshe manga Epialomi 8:5-10, kutya "OMUNTU OSHIKE".

Oshitya "omuntu" ngashi sha longithwa kOmupisalami otashi ti "Omushitwa gwaKalunga".

Ihe opwa dhiladhilwa wo aantu (aalumentu naakiintu, aamati naakadhona). Opwa dhiladhilwa wo aantu mboka to tsakanene nayo esiku kehe, iilyo yongeleki yaandjeni, mboka wa kala nayo momukunda gwaandjeni nosho wo aashiinda yetu.

Olwindji ngele owa pulwa u hokolole omuntu gwontumba uukwatya we, nena oto shi ningi lela nuupu, kutya; okamati okale komwenyo omwaanawa niikwawo ya fa mbyoka. Ihe opu na omikalo odhindji hadhi longithwa opo tu uve ko omuntu nawa:

a) **Paushitwe:** Mpaka otatu tala omuntu pashito lye. Omuntu nkene a tya kolutu, to mu dhimbulula uuna a sa ondjala nenge enota, oto mu dhimbulula uuna ta alukwa nenge e na ngiika uupyakadhi washa wa holoka ombaadhilila.

b) **Pankalathano:** Shika oshi na sha nuukwatya wopomudhingoloko (environment) gwoye moka wa kala nosho wo pamithigululwakalo dhetweni.

c) **Pamaitaalo:** Shika oshi na sha nuukwambepo wonkalo yetu, nkene tu na elongelokumwe naKalunga omushiti gwetu, nonkene tu na ekwatathano nooitaali ooyakwetu.

Onkene osha pumbiwa opo omusita a konakone omuntu pamikalo adhihe nda tumbula pombanda, ngele okwa hala okutseya omuntu i ihwapo ngaashi tashi vulika. Ihe okwa pumbwa okuhedha natango kashona komeho: Okwa pumbwa okudhimbulukwa kutya opo na ondjila ndjoka omukriste a pumbwa okuuva ko omuntu unene tuu pahungomwenyo.

Tse otu na ehala meshito lyaKalunga. Otwa shitwa twa fa iishitwa yilwe, ihe uuluyi wetu owa pya nawa, u vule wiishitwa yilwe, wo owo nee we tu yoolola ko kiishitwa yilwe. Tse ohatu dhiladhila nohatu tompelwa wo omapuko getu. Kalunga okwe tu pa ehala lyokukonakona nokudhiladhila muule. Omuntu okwa manguluka okuhogolola okwa hala oku landula Kalunga nenge oku mu etha. Kalunga okwa gandja ehogololo lya tya ngaaka.

Molwashoka ne tse ohatu dhiladhila notu na ehanganano naKalunga, onkee Kalunga okwe tu pa oshinakugwanithwa shokutonatela eshashitholye noku li longitha pahalo lye. Molwashoka otu na ehanganano naye, itatu vulu okwaadha egwano lyashili, ngele otwi itopola ko kuye notatu tindi okutaamba omalombwelo ge.

Augustinus Augustus Omuyapuki ota ti: "Owe tu ningi aantu yoye Kalunga, onkene omitima dhetu kadhi na evululuko manga inaadhi mona evululuko mungoye."

Aantu oyo aawanawa yo wo aawinayi. Otwa hala okulongela Kalunga nokuvulika kuye. Ihe olwindji ohatu lamba oondjila dhetu yene. Lesha Rom.7:21-24. Ashike nando tatu yono ngeyi, otu na lela ompito yeitedhululo, ngele tatu hempulula oondjo, Kalunga ote tu taamba tu li ngaashi tu li.

**Aantu aakwakugaluka:** Otu na iiholelwa oyindji mbyoka tu yi na mOmbimbeli yaa mboka ya li yi iteka, nenge ya li aatidhagani yaantu yaKalunga noya li aatondi yedhina lyaKalunga, ihe konima sho ya taamba kutya Jesus Kristus oye omutoye, oya galuka noyi

itaale noya ningi nokuli aalongi yoohapu dhaKalunga. Oshiholelwa ongaashi Paulus.

Omumbisofi Stephen Neil membo lye "Omuntu omushike" ota shanga ngeyi: "Kalunga okuhole omuntu aguhe (as a whole) ano hambinga ashike yimwe yomuntu. Omuntu oye ngaa ano olutu nomwenyo."

Onkee ano omusita ngoka e na wo oshinakugwanithwa shokuhunga aantu yaKalunga okwa pumbwa lela okuuva omuntu miinima ya yooloka, ashike oku na oku shi tala ko kutya omuntu ogwaKalunga.

- Omuntu a hindwa oku na okugeyulukithwa.
- Omukeeneitaalo oku na okutsuwa omukumo.
- Oshilema oshi na okuyambidhidhwa.
- Omwiinenepeki oku na okulombwelwa. ondjila yeifupipiko.
- Omuthiminikwa oku na okumangululwa.
- Aantu ayehe iilyo yegongalo pamwe nomaukwatya gawo ga yooloka oye na okukala ye holike shi thike pamwe, oshoka puKalunga kapu na ondjooola, ayehe oye thike pamwe.

Taku tsikilwa

J.Akudhenga

## Pukululii ndje yakwetu Oshoshili ngaa?

Onda lesa mokambo kedhina "Ove oto dulu okukala nomwenyo fiyo alushe moparadisa kombada yedu." Okambo taka popi oohapu dhaKalunga lela dhoshili, ashike otaka patana kutya kaku na oheli oshinima shino oshili ngaa, nenge okambo hano okaapukithi ano?

Namutenya gwa Miitili  
Elondo  
Uukwaluudhi

+++++

### Eyamukulo

*Okambo okoye nenge okamukweni? Owe ka landa kulye nogwOngeleki yini? Omolwashike to landa omambo inoo tseya eitaalo lyoye? Pula uuyeleele komusita gwaandjeni, ashike kotokela eitaalo lyoye lyaa limbililwe komalongo waa shi hoka ga za.*

Amushanga gwOmukwetu

+++++

### KOmukwetu

Otandi pula nesimaneko enene, kuAmushanga gwOmukwetu. Oraata yongeleki muNamibia ano (CCN) oyi lile po ashike oongeleki ndhoka ne ngaashi ELCIN, ELK, RK, naAnglikana? Ngele hasho omolwashike ihandi uvu mo dhilwe ano ngaashi (NG,A.M.E, Methodist noshu tuu).

Tangi keyakulo lyoye.

Lot S. Angungu  
Tsumeb

+++++

### Eyamukulo

*Konyala ndjoka yaa mo oya NGK ashike oonkwawo dhilwe wa tumbula omo dhi li.*

Amushanga gwOmukwetu

## Tatekulu Kaishungu a talele po Olange

Okwa popitha aakuluntu nohapu dhomu Lukas 9:12-13. Okwa ningi omauvitho opendji mOlange, ihe olwindji otaa pula aapulakeni ta ti; "Aakwankala otaya shuna nee mokuti natu ya etheni ya ye?" Epulo ndika epu oku li yamukula, ihe otu shi oku li ukitha kongeleki yetu oko li mone eyamukulo.

Tatekulu Kaishungu okwa popitha wo aanona yosikola yOsoondaha mOlange, ngaashi to shi mono momafano ngaka. Aanona mboka yi ishangitha mosikola yOsoondaha oye li 85 numvwo 1986. Yamwe ya yi koosikola pondje yOlange.

Okwa popitha aanona nohapu yaJesus sho ta ti "Etheni aanona ye ye kungame inamu ya keelela ko, oshoka oshilongo shaKalunga oshaamboka ye u fa". Okwe ya hokololele wo shono shi li kOkongu.

Aanona okwe ya pe ompito yokupula. Oya pula omapulo goludhi nduka;

- Ou na oomvula ngapi?
- Ou na ko egumbo koKongo?
- Oho uvathana ngiini nAakwankala?
- Openi wa vaelwa?
- Olye e ku longa Oshikwankala?
- Olye e ku fala kAakwankala?
- OKongo oyi li peni?
- Owa li Omukwankala?
- Oto shuna uunake?
- Aakwankala ohaa popi elaka lini?
- Oto shuna ngiini koKongo?
- Oshike wa fa Aakwankala, nosho tuu

Tatekulu Kaishungu okwa yamukula kehe epulo, ngaashi:

- Ne sho tamu ti: "Good morning", ne Aa-ingilisa?
- Oshingilisa owe shi longwa kulye?
- Ngele tamu shuna kOwambo otamu yi nashike.

Ano tatekulu Kaishungu kehe epulo okwe li yamukula nepulo ekwawo opo yaye moonkundathana naanona. Moomvula hamano dha pita po tatekulu Kaishungu oye omutalelipo omutiyali a popitha aanona yosikola yOsoondaha muka mOlange.

Aatalelipo oyendji, ohaya popitha aakuluntu, ya dhimbwa omukulu gwonale sho a tile; Waa na mpagona ku na iilya, waa na omutanda ku na ngombe." Aanona oyo oshigwana shokomeho, naya putudhilwe ethimbo tali ya, naa ulukilwe nkene ya pumbiwa noonkondo.

Tangi Tatekulu Kaishungu sho we tu talele po tse aanoma muka mOlange. Okwa lombwele aanona ta ti; "Konyala nda limithwa onkudhu kaantu." Okwa li e na okukala a shuna nale, ihe okwa kondekelwa mo komvula. Osoondaha ndjika a popitha aanona, ando hamvula ando okwe okwe yi nu (oshikundu) ontaku moKongo.

Kalunga oha topolele aantu ye omathimbo noompito. Tatekulu aanona otaye ku kundu pamwe naayakuli yawo.

Okwa pewa oohapu mEhololo 2:9-11 kaayakuli yosikola yOsoondaha.

I.U.D.Kalenga

## OMATOKOLO AMWE ELELONGELEKI LETI 22-24.8.1986

323

*Elelongeleki lya taamba nepandulo omagano iimaliwa R70.00 ga zi kaaniilonga yamwe ku CDM oyo N. Kalipi, A. Shadwama, S. Shiyanga, E. Martin na S. Gottlieb. Etokolo: Iimaliwa oya uthwa yi ye moshimpungu omagano gomeni moshikethangeleki.*

326

*Elelongeleki lya koleke efaneko lyokangundupitithi kokOnandjokwe opo Sr. Salmi Shivute a kale omukuluntusikola yaapangi mOnandjokwe sho omukuluntusikola Sr. Leila Seibeb a yi kosikola ku Amerika Sr. Salmi ota kala omukuntusikola okuza 1 Aguste 1986.*

322

*Ethimbo lyamushanga gwa CCN sho lya pwa ko, noongelekishilyo odha pulwa dhi tume omadhina gaafanekwa-hogololwa, Elelongeleki olya tokola ongeleki yetu yi tume ko edhina lya Dr. A. Shejavali.*

339


*Elelongeleki lya lesa nepandulo ombilive yomwiilongi omusita Martin Nelumbu kuAmerika, moka a halele Elelongeleki eyambeko miilonga, nota tseyitha kutya okwa adha onkatu M.D., Elelongeleki moku mu pandula otali mu halele wo eyambeko mokutsikila onkatu yokomeho Master of Theology.*

362

*Elelongeleki lya taamba nepandulo omagano ga pewa ongeleki yetu kEgongalo Akka, Toijala mu Soomi, iiyuma iipe yUulalelo Uuyapuki. Iiyuma mbika oya etelelwa komutumwa gwegongalo lyawo meme Anna-Liisa Hirvela, ngoka a galukile keyakulo lye ku ELCIN. Iiyuma ya uthwa yi pewe egongalo Eenhana. Amushanga gwElelongeleki a thigilwa oshimpwiyu a tume ko ombapila yepandulo.*

380

*Elelongeleki olya tokola okwiithana aandohotola yomiti omusamane nomukulukadhi gwe Dr. Stefan Lehrer na Dr. Christa Lehrer, aakriste Aakwaluther ya za kehangano "Committee of Protestant Churches in Germany for Services, ye ye keyakulo lyongeleki yetu.*



Aanona yosikola yOsoondaha okuza poomvula 9-13 mboka ya li ya talelwa po kutatekulu Kaishungu. Omusamane Kaishungu ota monika kolumoho methano.

# Obibilio pOniipa

Dha za kep. 1

ndyoka a ningile Ongeleki yetu no-shigwana shetu.

Opwa kala ompumbwe onene moshigwana shetu nomongeleki yetu, opo pu kale obibilio moka kehe ngoka e na ohokwe okulesha ta vulu okuya mo nokwiileshela omambo ge. Ompumbwe ndjika oya yamukulwa, sho pwa monika iimaliwa mbyoka ya zi kOsoomi. Nandjika oyo ongulu yotango kUumbangalantu woshilongo shetu.

Ongulu ndjika oya tungithwa kiimaliwa ya konda R111,000-00. Oya tungwa muule womumvo gumwe aguke sho ya tamekelwe okutungwa petameko lyomumvo gwa zi ko.

“Elalakano lyokutungitha ongulu ya tya ngeyi oyo okuninga omaulukilo gomambo, nosho wo okupendutha ehala lyokulesha maantu yetu,” osho amushanga gwooprojeka mu ELCIN omusita Set Son Shivute a hokolola pOmukwetu, pafupi elalakano lyongulu ndjika.

Okwa gwedha ko wo kutya elalakano ekwawo okuholola po oompito dhokuhelaha (okuthitha) omambo gokulesha nogokwiilonga kaantu yoshigwana shika nokupungula wo iinyolwa omolwomapipi tage ya, opo kaage ke tu pe uusama.

“Ondi uvite shili kutya oshigwana shetu oshi na okupenduka nokwiikutha kohi yondhino, ihe shika otashi shi ningi ashike uuna tashi tameke okulesha, osho amushanga Shivute a tsu oshigwana omukumo.

“Ongeleki oya zimine eindilo lyaakwashigwana mboka ya holola nale omadhiladhilo gawo kutya oya hala okulesha, unene tuu agundjuka, osho a tsikile.

“Ondjugo oya tenenekwa puuyeleele, notayi vulu okwaadhika kukehe ngoka e na ehala nohokwe yokulesha omambo nosho wo iifo yomaludhi gi ili nogi ili.”

Amushanga Shivute okwi indile koshigwana, opo shi holole oompumbwe dhasho dhomambo ngoka sha hala okulesha.

Ongulu otayi monika kuuninginino wegumbo lyaayenda pOniipa. Otayi monika yi ili lela koondjugo oonkwawo dhopomudhingoloko gwaNiipa.


Ongulu ndjika otayi ka egululwa pambelewa eti 25.9.1986 komumbisofi Kleopas Dumeni lwopomulongo gwo-ngula. Onkene tapu ningwa ehiyo kukehe ngoka a manguluka noku na ehala opo e ye a kale peegululo lyongulu ndjika mesiku lya tumbulwa metetekelo. Esiku ndika olya thanekwa, oshoka oyo li li esiku lyevala lyanakusa Auala.

Omukwetu sho a tsakanene nomunabilio meme Tuovi Pannanen, opo a pule kombinga yomambo ngoka ge li mo, meme Pennanen okwa holola kutya, sigo oompaka omu na omambo ga guma iimpungu konyala ayihe moshigwana. Omambo ngoka oge li momalaka konyala agehe ngoka aakwashigwana taa vulu okuuva ko.

Meme Pennanen okwa holola pOmukwetu kutya opu na natango ompumbwe yomunabilio, onkee ota ningi ehiyo kwaangoka e na ehala lyoku ilonga uunabilio, opo a monathane naye, nenge nomusamane Set Son Shivute. Ngoka e na ehala andola na kale e na Ositanda 10 ye na kale andola omulumentu.

Okwa holola wo kutya opu na ehala (opoosa) lyomuntu ngoka e na Omatilika opo a kale ta yakula mobibilio, ta taamba nenge ta pukulula mboka taa thitha omambo. Nguka andola na kale e shi okutopatopa.

**Joel Akudhenga**



Obibilio ndjoka ya tungwa pOniipa. Osho tayi monika ngaaka pampatolona yayo nkene ya yooloka koongulu oonkwawo dhopomudhingoloko gwOniipa.

## Pukululii ndje yakwetu

Matsa omolwashike oongeleki naakriste ayehe yi itaala okanona ke na okushashwa manga okahanona ko kake na oondunge, sho itaatu shasha ngaa mboka aanene ngaashi Jesus a li a shashwa omunene noinaatu uva kwa ti aakuluntu ye oyo ye mu fala keshasho ngaashi aakuluntu yetu haye tu shashitha?

Nenge ano eshasho lyaJesus inali fa ndyoka tse twa shashwa?

Namutenya Gwamiitili  
Elondo

### EYAMUKULO

*Eshasho ndyoka hatu shashithwa oJesus mwene e li dhike. Mat.28:19-20. Tse inatu uva a tidha po uunona peshasho nenge puye, ndele okwe u longitha ashike nokuli ongoshiholelwa oshivanawa kumboka ya hala mehupitho, Mark.10:13-16. Luk.9:46-48.*

*Nenge ou uvu ku na omuntu inaa ya mo megulu, molwaashona a shashelwe okanona? Ya longa ashike aamwoye nuupenda kutya oya shashwa notaa ke shi zimina yo yene mekoleko lyawo.*

*Amushanga gwOmukwetu.*

Omukwetu No.11, Juni 15.1986 omu na aasita 10 ya yapulilwa oshilonga shuusitagongalo 8.6.1986 omadhina gawo omu na David Ndemuweda, Ondobe ke pandja 7 oku na Daniel Ndemuweda.

Onda hala ndi pukululwe kutya David oku na omadhina gaali?

Tangi kepukululo lyeni  
Obadja Uushona  
Swakopmund

### EYAMUKULO

*Ombili komupuli nokaaleshi aasi-manekwa, edhina oli na ashike okukala Daniel Ndemuweda. David naye opo e li ngaa, ihe kayi shi yaNdemuweda.*

*Tangi kepukululo  
Amushanga gwOmukwetu*

# Nkene Omunamibia a koneke onkalo yomulumentu mOngeleki onkwaLuther muAmerika

Ngele tatu popi Amerika, otwa kwatelela mo iitopolwa iinene itatu.

1. Oshitopolwa shotango Amerika lyokolukadhi moka mu na iilongo ngaashi Brazil, Argentina, Bolivia, Peru, Venezuela nosho tuu.

2. Oshitiyali Amerika lyopokati, moka mu na iilongo ngaashi Mexico, Guatemala, Honduras, Nicaragua, El Salvador nosho tuu.

3. Oshitopolwa oshititatu Amerika lyokolundume lya kwatelela mo ihe Canada niilongo 50 ya hangana yaAmerika. Huno oko nee nda li, note vulu okupopya sha kashona kowala, oshoka miilongo 50 ya hangana yaAmerika onde enda owala miilongo 12. Sha yela kutya oyindji oyo inaandi enda.

Mokutala ihe oshipalanyolo "Efano lyaalumentu muAmerika", nando olyiilongo nee 50 ya hangana yaAmerika, natango ondi wete mo omafano gaalumentu ogendji miikandjo yi ili noyi ili yonkalamwenyo. Ondi wete mo efano lyaalumentu palongo, pamaithano, moofamili, paupolotika nomomagongalo.

Molwaasho oshipopiwa otashi ningilwa aalumentu yomoshitayingeleki pitika ndje ndi ninge po omalundululo omashona. Amerika osho oshilongo shi na eitaalo kehe unene li shiwiki muuyuni. Opo tu yande uumbwindahwata womaitaalo ogendji, natu thanekeni oshipalanyolo shetu shi kale ngeyi:

## EFANO LYAALUMWENTU MOMAGONGALO GAAKWALUTELI MUAMERIKA LYIILONGO YA HANGANA

Shika tandi ka popya mpaka itashi shilipaleke uukwatya auhe ngaashi tau monika muAmerika alihe, ihe okwaashoka nda koneke pomahala ngoka nde ende, shoka nda mono nomeho, pakuuva kAayamerika yoyene, pakulesha omambo, iifo nosho wo okutala ookino dhimwe.

Mpaka naampeyaka, onda koneke omafano gaali ga yooloka momagongalo gAakwaluteli aakwetu muAmerika. Efano limwe ewanawr nekwawo ewinayi.

### Efano ewanawa

MuAmerika aasita oyo ngaa aawiliki yomagongalo, ihe aasita aalumentu naakiintu ayehe otaa wilike omagongalo, ihe aalumentu oyo ngaa oyendji pamwaalu.

Omusita nando oku li po omuwiliki gwegongalo, aakwanegongalo oyo ye na ewi lyomatokolo gegongalo lyawo; noonkondo dhokupititha mo omusita miilonga yegongalo ndhoka oye dhi na, ngele omusita ita longo pahalo lyawo noita gwanitha iinakugwani thwa yegongalo.

Aakwanegongalo ngele oya dhimbulula kutya omakankameno gomusita oga pingathana ngegongalo, natango omusita a tya ngaaka otaye mu pititha miilonga nuupu.

Aalumentu momagongalo ogendji oyo oongudhi dhomagongalo gawo. Ihaa etha shinyata shi iyakele megongalo, nompumbwe kehe tayi ya mo olwindji aalumentu oyo ngaa hayi imanga kumwe noku yi kandula po mbala. Aalumentu muAmerika otaa longo oosikola dhOsoondaha, otaa opaleke oongeleka dhawo nomake gawo yene, otaa lesa oohapu dhokoshiyambelo momalongelokalunga, otaa pinda notaa yogo omakende goongeleka dhawo.

Oshinima oshikwawo oshiwana nde shi ndhindhlike nonde shi hokwa momagongalo gaAmerika osho shino, kutya aalumentu mboka yi itula miinima yomagongalo gawo, kaye na ondjoolola, kutya yo aalongwantu nenge ye na uuyamba wontumba nenge ye na omadhina ga tumba molwiilonga yontumba ye yi na.


Oto adha aalongi yomooUniversiti oyo taa longo oosikola dhOsoondaha oondohotola dhopaunamiti nenge dhopaikondo yi ili tadhi longo iilonga yontumba momagongalo gawo.

Ando okwa li omutse, ando otaku ti mbyoka iilonga yaantu mba inaaya longwa. Ngele owe ya megongalo lyontumba, kapu na shi tashi ku ulukile kutya nguka omushike paithano lye. Ayehe oya fa ye thike pamwe noya zala konyala omizalo dha faathana paundilo wiimaliwa.

Momagongalo omu na wo omathigathano gopamaudhano ngashi etanga lyokoompadhi, lyokoonyala osho wo uudhano ulwe.

Omathigathano ga tya ngaaka ka ge li owala maagundjuka, ihe oge li wo nomaakuluntu. Shika otashi kwatha aantu miinima tayi landula.

1. Etseyathano otali indjipalithwa.
2. Etseyathano otali eta ekwatathano, ewanawa pokati kiilyo megongalo.
3. Uudhano ohau dhimbitha aantu omadhiladhilo omawinayi nokuvulukitha omitse kiilonga yopamadhiladhilo.



Omulongi Usko Shivute

4. Uudhano otau eta uukolele molutu.
5. Otashi kwatha okutungwa ombepo yuukumwe megongalo.

### Efano ewinayi

Egamo lyokuthindila aakiintu kongudhi nalyo otali monika lya yela maalumentu yaAmerika. Ookayamukulwa komukiintu nayo oko ye li taa pangitha omakothi, oto ti itaa panga we ngula. Yamwe kaye shi kupopya nomakana, ndele ohaa popitha oombebe, oombistoli nenge taa lokotitha nondalu yaNelyanga nde lwa hulu lwa pu.

Aalumentu mboka yaa na esimaneke lyondjokana ohaa vulu okuhengana polumwe, nando lutano muule woomvula omulongo mondjokana. Otaye shi ningi, opo ya ka konge oontana ndhoka dhi na oohongo tadhi nuwa koondjuhwa, nodha pita ehwanga mokuyula nokwiililala aalumentu pamikalo omipe dhopashinanena.

MuAmerika omu na wo aalumentu yamwe mboka pambo lyegongalo ando aakwanegongalo ngaa, ihe kaye na sha niinima yomagongalo. Komambo ihaye ya, yo itaa gwanitha iinakugwanithwa yomagongalo.

MuAmerika omu na omahangano gaalumentu momagongalo, inandi ga mona. Omahangano oge ethelwa oomeme, mboka pakukala iilyo yomahangano ngono, otaa kambadhala okwiitumba ko kohi yaalumentu miinima oyindji yonkalamwenyo.

Omuleshi omusimanekwa, pitikila ndje ndi tule ko omugoya gwahugunina koshipopiwa shi. "Shitunda nohedhi shilongo nomukalo gwasho." Efano nda eta mpaka, itashi ti otu li landule tse tu li kuthe ko ngoshiholelwa, molwaasho Amerika osha talika ko ngodhilongo sha putuka.

Ihe shi nda hala tu ningeni, okuholela shoka tashi tu tungu, tse tatu ekelehi iiyagaya moshilambo, e ta tu tomeke mo omulilo. Onda hala tu dhikeni ongandjo ya kola yonkalamwenyo yetweni noyomikalo dhoshigwana, ndhoka omiwanawa, oshoka natse otu na omikalo dhi-mwe omiwinayi.

Ongandjo nayi thigwe ontu yimwe ayike, inayi thigwa okantu nando. Otse yene natu kale aayegululi naayedhili yontu ndjoka yopashigwana, tse tu ethelii mo owala omikwiilongokalo ndhoka dha konakonwa kutse yene notadhi tungu oshigwana shika shaNamibia.

(Ehokololo ndika olya fupipikwa nolya hokololwa tango moshigongi shaalumentu shokomumvo moshitayingeleki shOndonga komulongi Usko Shivute).

## Naku talike nawa kaalongi yopaumwene!!!

Kombinga yaalongi yopaumwene otaa mono iihuna unene, oshoka ohaa shanga ekonakono pamwe naamboka ye li miipundi, ihe omayamukulo ihaga galuka oshita?

Yo ngele ya ka konga oosikola nuumbapila mboka we ya, ihaa taambwa nando. Ohaku tiwa naategelele oonzapo, dho oonzapo ihaadhi ya mbala, ohadhi kwata omvula nenge uule womwedhi. Nandi kwathwe ndi yamukulwe komukuluntu gwoshikondo shelongo.

Ndinelago Shikongo Oshakati

## Omupresidende wehangano lovalidiliki mu ELCIN

**Elelongeleki ola koleka onhokolwa yEwilikongudu lokukondjifa oikolwifa mOngeleki ya ELCIN oyo ya ufa omufita Josia Mufeti a ninge omupresidende wehangano olo. Eufo ola ningilwe muApilili neudo.**


Ehangano eli la longa paife eedula di dule 30, ola wilikwa tete komufita Jason Amakutuwa nomudo keshe otali ende tali hapupala, unene mokati kovanyasha vomeefikola.

Mehangano eli omu na yo ovakriste vahapu vomomaongalo Ongeleki ei ovo va monene omhepo yepapuduko 1952 olo le va kwatelele metokolo va ha longife vali oinuwa ei ya etela oshiwana eshi paife oungone munene pamhepo nopalutu.

Oku na ovanhu vahapu moshiwana navo hava kondjifa oikolwifa n.efe kave li mehangano eli, osheshi inava yeelwa koshilalakanenwa shalo, ile osheshi ohali kondjifa yo oilonga keshe yombelega.

Ewilikongudu lipe ola tungululwa nosha pamekwa kElelongeleki li kale ngaashi tashi landula:

**Omupresidende Josia Mufeti nomupeha gwe Titus Ngula; Jacob Vilho nomuponhele Hilja Akawa; Kaino Taapopi nomuponhele Liina Mpanda; Melkisedek Nghatanga nomuponhele Aune Sh. Hamunyela; Jason Amakutuwa nomuponhele Helvi Hamwaama; Titu Ngula nomuponhele Daniel Shatipamba; Jafet Uudhila nomuponhele Hedwig Kaukolwa; Leevi Moses nomuponhele Kefas Ausiku.**



Omufita Josia Mufeti

## Omufita Kamho a xulifa oweenda waye

**Omufita Immanuel Kamho okwa manene oweenda waye moshipangelo shaShakati eti 10.8.1986, mouyehame wefimbo lile. Okwa xulifila moukokele weedula 70.**

Omufita Immanuel Kamho okwa dalwa eti 24.2.1986, mOshivango muAngola. Okwa hombola omuholike waye Lusua eti 26.11.1941, nova pewa omaano wounona 13.

Manga ina tambula oshilonga shoufitaongalo, omo ye a xulifile, okwa kala omuyevangeliste. Okwa longa tete mOushimba, kOutyo nokOshiwarongo, ta udifile ovaunguli meekomboni, meefalama nomeemina.

Momudo 1973-1974 okwa kala umwe womovafita ovo va tamekele tete oufitaongalo mOwambo, mEngela okudja eshi Oseminali youfita youkumwe wongeleki Onghwaevangeli paLuther muNamibia ya dikwa 1963, mOtjimbingwe.

Opo nee meti 24 Novomba 1974 okwa yapulilwa oshilonga shoufitaongalo komubishofi Dumeni mEngela pamwe navakwao 13.

Eshi a yapulilwa oshilonga shoufitaongalo, Ongeleki oye mu tuma pamwe navakwao vavali va ka longe kuAngola. Okwa longa meongalo, Onamayaka. Okwa longa ko konyala oule weedula dihapu, nomolwounghundi wolutu Ongeleki oye mu lundulula ko noye mu nangeka meongalo laNdobe, omo a manena oweenda waye manga a hangikile e li moshipundi shetulumuko.

Joel Akudhenga

## Ombilivenghuwo ya dja kEluwa

*Ohashi hafifa shili eshi twa monikila notwa tungilwa ofikola opo yo nafye tu mone eputudo. Opo yo nafye tu mone onghalamwenyo i li nawa. Ashike paife oshe tu limbilika unene eshi tu li po ashike twa longwa (twa mona epukululo liwa shili) nde ihatu mono oilonga opo tu li kwafe.*

*Osheshi paife vahapu vomufye otwa mana, ashike ihatu yukifwa kutya natu finde peni nande oko ke fike apa. Ovanini vomufye va mona oilonga, twa dini kutumbula ngeenge ove li vane, ovahapu.*

*Apa otwa hala tu pule epulo eli moshiwana, kutya ovalihongi ovakoneki neembolo nge va mana ofikola yavo ihava mono oilonga hano? Ngeenge enyamukulo heeno, ihava mono, omolwashike?*

*Onghalamwenyo mboli yovanhu ashike ovo ve li-xwapo, naKalunga okwa ninga epuko eshi e tu shita po nokwe tu ninga oingudu yokombada yedu.*

*Fye otu shi shi nosho tu li vamwe nokuli vomufye, kutya ovakulunhu vetu ava have tu kwafa havo naka kale ko, nokape na ou te ke ka yakula. Monghalamwenyo yetu otu shi shi kutya, ohatu ka ninga ovaleli vounona vovatyapulinghalamwenyo ovo inava nyona shiimba kuKalunga, opo e he va ninge oilema ngafye, ile tu tye nokuli sha fa tashi li nyenge mofikola yetu opo tu ninge ovakalele vovalongi.*

*Fye otwa kumwa nee eshi ovalongi va hala okuninga ovahongwa vavo ovakalele, vo navo ova li hava hongwa ndee ovahongi vavi inave va ninga ovakalele vavo. Otu wete nosha yela kutya mboli emanguluko eli tali luwa moshilongo omu*

*oloshima, eshi taku ti Omulaule nOmutiliyane ve li tale ko ve fike pamwe. Ngeenge ongaho, omolwashike ovo ve na oundjolowele itave litale ko ve fike pamwe noshilema, aveshe va kale ve na oilonga?*

*Otwa longwa twa deulilwa oilonga aische, ndee otwa kupukwashi twa fa oimbapila.*


- 1. Omolwoulema wetu, otwa hala epangelo li tu monene oilonga ngaashi hali monene ovanhu aveshe oilonga.*
- 2. Otwa hala ngeenge mu li moyoongi yeni yefiku mu dimbulukwe yo Eluwa ongefikola i na ovanhu ve na omwenyo, nande ofye oilema.*
- 3. Otwa hala yo tu lombwelwe kutya omolwashike itaatu momenwa oilonga, opo tu kale tu shi shi.*

*Apa otwa indila oshiwana ashise shi dimbulukwe omukundu wetu ile tu tye oluhepo letu. Otwa hala yo tu li longele sha omanga Kalunga e tu kufa nee oilyo yetu elao olo ashike e tu fiya yo tu na omalutu tu dule okulilongelasha fye vene.*

*Kombinga yetu fye otwa hongwa, otu shi okutunga, okuhondja, okutunga eembindja, oilonga ayishe oyo kufye inatu itala vali ngoilonga, osheshi otwa pyokoka muyo.*

*Otwa hala mu tu ude ko nawa, nopa ningwe elunduluko lasha. Otu shi vamwe nomutye kave na omawi, ashike natu kale ngoo tu na ewi lasha moshiwana.*

**Ovapofi neembolo Eluwa:**



Nakufya omufitaongalo Immanuel Kamho.

# EDOPO MEESEKO DIHAPU, OHALI ETWA KOKU HELITULAMO KWOVAHONGWA

## — Omutaleli Hamutumwa a ti

Edongokonono ola ningwa kuJohn Shitundeni.

**“Pakutala kwange, exuku netindi ledopo mEeseke dihapu, ohali etwa koshinima eshi shokuhelitulamo kwovahongwa.” Okwa twikila ko ta ti kutya ovahongwa vahapu inave litula mókulesha. Kuvo okulesha okwa dja momode. Ponhele yokulesha, Hamutumwa a ti, ovahongwa otava pashiyona ashike. Tava li vo tava nu.”**

Omushamane tate Moses Hamutumwa, okwa li ta popi ngaha pefimbo loshoongalele shovalihongi ovakriste sha li mofikola yopombada yaNgwediva omafiku a dile ko. Oshoongalele eshi shehangano lovalihongi ovakriste ohashi kala ko omudo keshe. Oshitwa shopokati melalakano lehangano eli, osho okuninga Jesus Kristus ohamba mokulamwenyo kwovalihongi.

“Meembaa nomeekefe ovalandi vanene kave fi ovo hava longo kokawe, ndele vahapu vomuvo ovalihongi vOmeeseke. Pefimbo lokukala mombaa, omambo kwinya okwa nyemata shaashi kae na ovaleshi. Ngeenge ovakukunhufikola, ovalongi ile ovadali tava popi ko konghalo i li ngaho ihe na elitulemo nelalakano, luhapu oupuna ou wepukululo navo neendjovo davo di yadi ohole noshili, ohadi xulile momakutwi e na eembado,” osho tate Hamutumwa a ulika okuhalombwelwa kwovahongwa ongoshiyeti shinene shomadopo mEesekundofikola.

Omadiladilo aeshe aa, okwa kanghamekelwa koshipopipiwa: Oshike tashi eta edopo mEesekundofikola? Nali kondjifwe ngahelipi? Omushamane Hamutumwa ou kwa li elineekelwa oshipopiwa eshi, okwa li yo a tumbula oinima imwe oyo ta fekele kutya nayo oi na mo sha medopo lovanafikola mEeseke.

Oinima oyo a li a tumbula ongaashi omhumwe yovalongi oyo a ti kutya paife oya ninga omukifi woshinamenena mOshikondo shEhongo mOwambo. Okwa fatulula yo kutya omhumbe ya tya ngaha kai li ashike mEeseke, ndele oya hovela meengudu dopedu. “Eshi osha etela ovahongwa vamwe omupya ou kutya va fika fiyo Omoseko ve he na omukangha wa kola. Oshilanduli okunana noudjuu kwomulongwa nahauxuuninwa, okudopa ekonakono. Omalunduluko nomatembu ovalongi mokati koikako, nao ohaa wedele po sha tashi twala fiyo omedopo,” osho omushamane Hamutumwa a ti


Kombinga yomhumbe yomambo ongoshiyeti shedopo, omupopi okwa ti kutya ohashi dulika omambo a kale e he po nandenande pofikola ile e li po ndele inaa wanena ovahongwa aveshe oule woshikako ashishe ile nokuli efimbo li dule poshikako shimwe. Peemhito dimwe omambo aa, unene ounamambo eshi taa fika pofikola, ekonakono oli li popepi. Omufika wekonakono lomeni nosho yo omalaka ovanailongo Ovatilityane, omupopi nayo okwe i tula momusholondondo woinima oyo ta fekele kutya ohai eta edopo mEesekundofikola.

Kutya edopo otali kondjifwa ngahelipi, tate Hamutumwa okwa tumbula oinima tai landula:

“Okulesha naku ninge omoode yovalihongi, okulesha nouidiini nelitulemo omutenya noufiku, oto dulu okuhanga elalakanofikilo loye nande kape na oikwa noipangifo ya wana.

Okupilamena omalihafifo omaludi aeshe oo itaa tungu, ovahongwa nava ningilwe eetundi da wana domayelifilopukululo eemhito domaifano.”

Pexulilo loshipopiwa shaye, omushamane Hamutumwa okwa kumaida oshoongalele shinya shovalihongi ta ti: “Osha pumbiwa neenghono ovalilongi mu pangelwe keliudo eli kutya onakwiiwa yoshilongo shetu oi li momake eni. Okulitulamo kweni melihongo ndele tamu piti nawa, okwo edidiliko loukolele wonakwiiwa yoshilongo.”



Oshoongalele shovalihongi ovakriste osho sha li mOngwediva neudo

## KA TENGWIRE NODIPLOMA ZROUPANGELI YIHAUTO NONZAPO ZOURONGI KUEUROPA

**NKURENKURU - KAVANGO: Muswane Isak Veijo (38) koKavango kwa kere nomvhura ntatu koEngilanda mosikola zoumakeninga. Nombapira dendi edi gawizire nado oku tadi likida asi tate Veijo kwa lironga nawa nawa unene.**

Age hena ntaantani kunakara noDiploma zokuvhura kupangera masina nagenye noCertificate zokuvhura kuronga ava vana hara kulironga uumakeninga.

Ererongereka lya ELCIN mokwedi kwaJuli 1986 yi po lya mu kundire makura lya mu huguvarera a kare mungendisikurona gonongarase nadinye mbali mo ELCIN, kuvareka 1 Auguste 1986.

Tate Veijo kwa tjangere Matrika 1970 mOngwediva. Melima lyokukwama ko ta varekere yirugana mOngereka zendi za ELCIN poNkurenkuru.

Yirugana eyi ga ya kwafe nayo mOngarase, yeyi ga gwene etateko lyayo siruwo esi ga kere mosikora age ta kwafa moirugana yongarase za B.B.K. mOshakati. Mwene ana tanta asi, kwa gwene etaleko lyewa - lyewa.

Momvhura 1972, ngereka zendi za mu tumine a ka gwederere ko unongo koPietersburg mo SA. Elima limwe tupu makura ta tengura kembo.

Simpe mo 1977 dogoro 1979 ngereka zi na hokwa upampi wendi yiyo za mu tumina hena koBritania moCarmarthen Agricultural Technical College (CATC) koSouth Wales.

Konyima zeyi yiyo ga tengwilire hena kembo noku ya gavnuna unongo ou ga ka likorere ko.

Mo 1983 yiyo hena za mu tumine ngereka koEngilanda, siruwo esi kwa zire ko Bolton Institute of Higher Education (B.I.H.E) moBolton; Gr. Manchester.

Apa tate Veijo ana ka tengura ko nye nonombapira dene - dene doTechnika no Engineering nedi dourongi woumakeninga. Makura Ngereka yoye nye zina mu hungarere sirugana nasinye soumakeninga mongereka nazinye si kare manawoko gendi.

Yikando eyi nayinye ivari yokuhuririra, kwa gwene ekwaso lyoimaliwa kEgwanekerotumo lyaSoomi a wape ku lihedesa nawa komeho. Age ntwagumbo gepata ga kara novanona vane.

Sebulon Ekanjo

# IIMPAGA OTATU DHIMBULULA NGIINI?

Epulo

## 1. Ehokololo nuukwatya wiimpaga.

Iimpaga mbyoka yi li mokati ketu oya holoka po lwopomathemumvo 19. Ongundu ndjika yiimpaga kayi shi yaapagani, ihe aakriste mboka yi imangulula mo mOngeleki yashili, noku ekelahi o-malongo gOngeleki, ngoka ga kankamekelwa mOmbimbeli Ondjapuki nomuukwatatu waKalunga.

Elongelokalunga oye li tala ko kutya oyo oshinima shomuntu mwene, onkee oyi imangula mo mOngeleki, e taa landula oondjila dhawo yene. Nemanguluko ndika lyawo otali ithanwa: emanguluko lyopambepo lyomethelemumvo 19".

Otaa pangula Ongeleki, kutya oyo oshinima shuuyuni, oyo taa zi mOngeleki e taa toto po ukriste washili aniwa, nongeleki yashili, egongalo ndyoka lyaahogololwa yaKristus.

Yo yene iimpaga ohayi holoka po uuna Ongeleki ya nkundipala momalongo guukriste, momathimbo omadhigu, na uuna iikungulu yuuyuni yoludhi nduka naandwiwaka tayi holoka uupolotika nomahepeko nst.

## 2. Iimpaga oshike?

Shelhamer okwa luku aaniimpaga kutya oyo ongundu yaamboka inaa hala okupangelwa nenge okuwilikwa.

Omuntu ota vulu okufatulula aaniimpaga ngeyi:

Oyo ongundu yaamboka yi iyoolola mo mOngeleki yaKristus, noyi itala kutya oyo ongundu yooitaali naaitedhululi yashili, noyo ayeke ye li mondjila mokulongela Kalunga noyo wo ayeke ye li mOngeleki yashili yaKristus.

Ongundu ndjika ohayi uvitha owala egaluko lyaKristus ndyoka li na okuningwa mbala nenge ekondjitho lyuukwatatu waKalunga (Jehovah Witnesses) nenge ekelohi lyaKalunga kEtestamenti Ekulu (Marcionists). Ano ukriste kau shi oshinima hashi thindilwa omuntu, ndele omuntu ota landula etokolo lye mwene.

Onkee aakwangeleki otaya putudhile ashike omuntu montseyo yOmuwa, monkalathano nosho montseyo yokutseya "elago lyokomwenyo" ndyoka tali adhikwa muKristus Jesus okupitila mEshasho eyapuki (Mat.22:37-39; Mark. 16:-16).

## 3. Eyooloko pokati komalongo gOngeleki nogiimpaga.

Elongo lyOngeleki olya kwata Ombimbeli ayihe, notali thindi omuthindo puukwatatu waKalunga nopashilonga she shohole Joh.3:16.

Aakwangeleki oya koneka, kutya mokati kawo omu na aakriste mboka inaya itedhulula shili, ihe aaniimpaga oyi itaala kutya yo ayehe aaitedhululi yashili nongundu yawo ayihe otayi ka hupithwa.

Aakwangeleki oya koneka kutya, yo otashi vulika ya longo omapuko, ihe aaniimpaga oyi itaala kutya yo itashi vulika ya longe omapuko.

## 4. Kalunga katatugumwe

- Aanashimpaga otaa ludhike oshili yelongohupitho, yelongohempululoitaalo lyOngeleki kombinga yuukwatatu waKalunga.

- Ihe Ongeleki itayi longo aantu kutya oku na ooKalunga yatatu, ihe otayi fatulula uukwatatu waKalunga gumwe (He, Omwana nOmbepo Omuyapuki).

i) Iimpaga otayi ti: Jesus kee shi Kalunga, ihe oMikael omuyengeli nenge omukuluntu omunandunge Omujuda.

ii) Jesus oku na etameko, ihe Kalunga ke na etameko (ina shitwa, ihe Jesus okwa shitwa.)

iii) Jesus okwa shitwa kuKalunga.

iv) Uuyuni inau shitwa kuJesus, ngaashi Ombimbeli tayi ti Joh.1:3

## Ombimbeli otayi tu longo shike kombinga yaJesus?

- Oshoka oye ta hupitha oshigwana she moodjo dhasho Mat.1:21; Luk.2:21.

- Otse naTate gumwe. Joh.10:30

- Ohapu oya li Kalunga Joh.1:1

Justus David

# Ombili netilokalunga oyo efina lounongo aushe

**Omunhu keshe oku shii nawa ombili na kale okanona ile omukambeli. Ngenge a udu omunhu ta tumbula ombili, oku udite kutya meni lomunhu oo tamu linyenge shike.**

Omwenene Jesus okwa lombwela yoo ovahongwa vaye te ti: Ombili yange ohandi i mu pe, nohole yange ohandi mu fiile mu kale mu holafane ngaashi ame ndi mu hoole.

Ngenge hatu tale onghalo moshilongo komunhu nomunhu, oluhapu to dimbuluka ombili ya kana nohole yokuholafana ya nghundipala nedundakano tali longo.

Natu tye nee nande omeumbo, ombili nohole yokuholafana ya kana pokati kovatungaumbo ovo vavali, nena oludalo nalo otali putuka medundakano nomo ku ha shiiva ombili netilokalunga.

Ovanhu aveshe ava ovanambili ovo tava kala yo ovanelao lokomwenyo, Omwenene Jesus okwe shi yelifa yo meudifo laye kondudu netumbulo eli

Ano omolwashike Ongeleki ihayi kutha mo omuntu nando na kale a kulupa e li moomvula ndhono hadhi ithanwa oku li oku li mesilohenda lyOmuwa.

Onkene ngaa ta pulwa iigandjwa yegongalo, yo aantu yamwe oyana yoohiikombokwaali.

Shono te shi eta kegongalo oshomiiniwe ye mwene. Itashi vulika oshinima sha tya ngeyi shi konakonwe nokutalwa nawa, oyo omuntu a vule okugandja ketokolo lye mwene.

Johannes Angula  
Windhoek

+++++

## Eyamukulo

*Inatu tseya ngele okwa kala omathiminiko gokugandja kaakulupe. Oshoka nokaagundjuka opu na elongo enene momagongalo, oyo aantu ya gandje iigandjwa yawo nemanguluko, pwa na ethiminiko.*

*Mpoka aakulupe haa thiminikwa, kwatheni amushanga moshinyanga shoka sigo naye a yelwa koshinima. Ihe kotokeni wo mwaa ninge eimbo lyaakulupe mboka ya hala okuhambelela Kalunga nokashona hoka ye na. Mark.12:43-44.*

*Amushanga gwOmukwetu*

ovanelao ovanambili, osheshi ovo tava ka ifanwa ovana vaKalunga Mateus 5:9.

Eshi otashi tu shilipaleke nawa kutya Kalunga okombili nokelandulafano.

Omuyapostoli Paulus momukanda wotete e u shangela eongalo loku Tessalonika 5:23 okwa yelifa nokwa shilipaleka eshi ta ti: "Kalunga kombili ote mu amene note mu yapula ounhu aushe."

Otu na ngaa shili eefina noimbide yonhumba noyongadi oyo tai kufa alushe ombili naunene omolwonghalo yedu letu omo mulo mu na omahepeko nomangwandjulafano omaludi e lili noku lili. Pamwe momwenyo otamu anduka epulo; ombili ohatu i hange peni?

OmuJesus Kristus, osheshi Jesus Kristus oye ombili yetu. Omuye hatu mono eenghono dokwiilikana, elididimiko, nedimafanepo. Kol.4:2 Efeso 4:2. Ovamwatate tu holafaneni osheshi ohole oyo ya dja muKalunga, ye e tu pe ombili.

G.A.Mungungu

# Onakuyiwa oyo oshimpungu moka tu na okulonga mo, onakuziwa oyo olamba tayi minikile nkene tu na okutekela nokutula uuhoho moshimpungu shetu.

Aailongi aaholike, otwa peweni omagano kuNampongo, gokukala miipundi yomanongelo tu likole uunongo, opo tu vule oku wu yakulitha nawo aakwashigwana shetu. Ootate noomeme otaye tu galikanene ethimbo alihe tu pite. Yamwe twa mana nokuli eilongo lyetu, sho twa monene ompito yokuya ngaashi kombanda yomafuta nosho tuu koounivesiti dhaSuid-Afrika

Oshigwana otashi tegelele tu shi pe mo momulongelo ngoka twa zi ko nago hoka twa yile. Ondi na po epulo lya nyenga ndje oku li iyamukulila, shaashi omumwe gumwe ihagi itombola ona, yo ondjamba yimwe ihayi gundula ntsi. Iihuku yokwiyengela ihayi zi, ohayi mi.

Omukwashigwana gumwe kOlundume lwaNamibia osho a pula ndje ngele ondi li pe'umana eilongo lyandje. Sho nde mu pe eyamukulo kepulo lye lyotango, okwa tsikile ta ti:

"The oshike ano aailongi mwa fa ngaa oyendji mevi ndika, uunene tuu kOlundume, yamwe oya mana nale eilongo, yalwe opo ngaa tamu mana, ashike shampa mwa mana, mwa mwena? "Omolwashike itaamu popitha oshigwana sheni noku shi ndungika mpaka naampeyaka?"

Omwiilongi omukwetu kepulo lya holoka pombanda onda li ndi iyaga momutse, kanda li naanaa ndi na omayamukulo gothaatha. Ashike nando ongawo, shaashi ihadhi yi inaadhi umbilwa, onda nangaananga ngaa paufupi wuundunge wandje, opo ngaa ndi kale nde mu yamukula.

Shoka nde mu yamukulile, otandi shi eta molupe lwomapulo ge ku ukilila wo ngoye omwiilongi wu li miipundi natango nenge wa mana nale eilongo lyoye, opo moku ga yamukula tu kale twa kwatha omupuli gwandje.

Sho shene tashi eta aailongi twaaha gandje ewi lyetu moshigwana shetu ano oshike naanaa? Otwa tila notwa shushumikwa konkalo ya nyula moshilongo? Katu na ano einekelathano mokati ketu? Otwa tila kutya ngele twa ti shontumba shongandi, ntumba ngandi otaka lya ndje ko kaanankondo mevi lyetu? Sigo uunake nduno tatu tila?

Katu na ano uukumwe mokati ketu? Ngele nani katu na uukumwe, onakuyiwa otatu yi hingeni ngiini?

Dhimbulukwa kutya uukumwe owo tau tungu onakuyiwa (Unity builds the future). Iigongi oku yi ninga mokati kaakwashigwana otwe yi tileni? Sigo uunake? Sigo uunake twa tega ashike tate Namuhuja, tate Ndakunda, meme Hamata oyo ya tye sha koshigwana?

Nandi gandje manga ombili kumboka nda tumbula kondandalunde, ngame inaandi pula eziminino lyawo. Onde ya eta mo iiholelwa, nopu na wo ooyakwawo nando inandi ya tumbula, onda simaneka shoka taa ningile oshigwana shetu.

Otandi tsikile natango. Pamwe ompumbwe yiifo yokulesha oyo nduno tayi tu yi moshipala twaa holole omadhiladhilo getu moshigwana? Ndishi ngele twa popi mooradio otatu talika omeho gopondima? Nenge ongiini ano aaholike? Tu shangeni ano omambo, pamwe hwepo. Aakwashigwana ya vule okulya iiyimati yepatudho lyawo. Aanona ya tuntililwe ohokwe neitulomo lya mana mo lyokulesha, yo ya yande okulongithwa iilonga yomuyonena.

Oshigwana osha sa enota lyemanguluko, ihe kashi wete omulinda nondjila shi na okweenda nayo. Oshigwana shoye oshi li nee momilema dhokwaa shi sha, oshoka omanongelo omashona unene kOlundume lwaNamibia. Popya aantu oye shi lya popi, kaa shi lya mwena owala.

Otandi inekele kutya aanangeshefa yoshilongo shoye sho ya tya oongeshefa dhe eguluka ethimbo kehe, osho wo tuu te egululila omitima dhawo, ya hala okutaamba nkene to ya ndungike, opo ya vule okuhumitha komeho oongeshefa dhawo. Aalongisikola yoye aakulu naape yalwe oya shambekela omake wu ya pe omikalo omipe, ndhoka ye na okulongitha ya putudhe nadho aawiliki yokomongula.


Aanankondo mepangelo oye li po nee taa nyengwa oku eta ombili nelandulathano. Ye enditha po utale. Aayakuli yalwe mpaka naampeyaka, ano miikondo yilwe, otaa tumbu iinyenu miilonga yawo, onkene kumagidha guna, tompa, oshoka owu na omongo natango.

Aanona otaa kutha omaithano ga puka. To etha oondohotola dhangula, hela tadhi ka undula oondoloma, tadhi ka pula uumutse waakwashigwana. Dhi ulukila oshiholelwa shelongo manga thimbopepi.

Ooyina yoshigwana shokomongula oomboka taa yi koosingela, manga omahangu taga olele moompale. Tala nkene to ya ulukile ongushuyawo moshigwana. Inaa shekitha esimano ye lipewa oshali, ihe naa uve uuntsa (uugumbo) molwalyo.

Omuleshi omuholike, pukulula ndje ngoye gwedhela ndje po.

## E. Sheetheni Imbangu Iimene



Nakusa Simeon Shigwedha

Omusamane Iyambo Sakaria Job, okwa mana oondjenda dhe eti 15.6.1986, mepipi lyomimvo 32, muwehame wethimbo efupi moshipangelo shepangelo mOshakati.

Otatu pandula ayehe mboka yi ile oku tu tsa omukumo nomahekeleko.

Peha lyaatekulu  
Trieda Nayiloke Iyambo



Nakusa Iyambo Sakaria Job

+++++

Omulongifikola Sipora Ndatoolewe Udjombala, womeongalo Olupandu, mOukwanyama, okwa xulifa oweenda waye moyehame wefiku limwe alike momafiku 29 Januari 1986. Okwa fiya ko ovana vahamano; ovamati vavali noukadona vane. Okwa li e na eedula 46.

Julius Mwalimushi Hashipala  
Iipumbu Secondary School

+++++

Simeon Shigwedha okwa hulitha oondjenda dhe eti 22 Apilili 1986, konima sho a adhika a tsakanitha oomvula 6 mesiku olyo tuu ndyoka, sho i ile muuyuni muka eti 22 Apilili 1980.

Okwa si sho a gwile moshiko shomeya.

Natu hekelekweni neimbilo 517 noohapu dhi li muLukas 18:15-17.

Peha lyaamwayina  
L.Saima Namadhila Iishitiwa

## KA XUPA MEFYO LEEHOLO ODO DA DIPAA INA

Okakadona keedula 17, Sesilia Noah, oka xupa moshikungulu sheeholo odo da twaalela omwenyo waina, Emilia Franis Noah (45), oufiku weti-16.8.1986 mokalukanda kaKalaula, mOshakati. Ehokololo otali ti kutya ava vavali ova hangwa va nangala kombete imwe eshi eeholo da panukila monduda yavo oyo ya dikwa noipeleki. Sesilia okwa ninga ashike okapute kanafangwa kokwooko kokwo-lulyo, omanga okamati okamwaina oko nako ka hangwa meumbo monduda yako oyo ya li yo ya kumwa keeholo, inaka ningwa nande sha.

Omushamane Noah eshi a pulwa komutoo-linghundana wOmukwetu apa a li eshi eumbo laye la ponokelwa okwa ti kutya okwa li koilonga kOndangwa. Nakufya Emilia oku li oshilyo shongeleki yedina: "Baptist Church" mOshakati nota hokololwa kutya okwa li ha diinine okuya komambo. Omufita wongeleki oyo, Edmund Kandume, okwa kumaida nomufindo oshiwana shaNamibia shi lidilulule shili noshi ehene kuKalunga.

Omufita Kandume okwa li ta popi ngaha pefudiko laNakufya Emilia olo la ningilwe mOshakati eti-22/8/1986.

John Shitundeni



Okakadona Sesilia Noah oko ka xupa moshikungulu sheeholo.



Oshivilo shefudiko lanakufya Emilia Frans Noah

## EPANGULO LYAYA- HETATU OLI LI KO MUSEPTEMBA

Epangulo lyAanamibia yahetatu mboka taa tamanekwa noveta yuukulo yonomola 83 yomumvo 1967, olya tamekele mOvenduka omasiku ga zi ko. Omadhina gaatamanekwa ogo: Andreas Johnny Heita (22), Salomo Paulus (27), Andreas Gideon Tongeni (23), Gabriel Matheus, (23), Martin Akweenda (23), Johannes Nangolo (33), Petrus Kakede Nangombe (23) naSalaria Shipanga Balakias Namwandi.

Oya holokele komeho gomupanguli John Strydom noka kwa li ya pulwa sha, ihe oshipotha shawo paindilo lyomukalelipo gwawo osha tsilikwa sigo 8 Septemba 1986. Shika pahokololo osha ningwa, opo omukalelipo gwaatamanekwa a mone ompito yokukonakona omushangwa gwomatamaneko gwiiningwanima 187 yuukulo mbyoka ya ningwa pokati kaFebuluali 1979 sigo omuKotoba 1985 aniwa.

Pauelele welandulathano lyiiningwanima mbyoka yi niwe kohofa, aatamanekwa mboka otaku tiwa oya kala ye na oshitopolwa miilonga yomuyonena moshitopolwa shuumbangalantu nUuzilo waNamibia, osho tuu wo mOvenduka nomomudhingoloko pethimbo lyoomvula ne dha ka pita.

Otaku tiwa oya nwetha mo aakwashiilongo, opo ya longele pamwe nayo noye ya dheule okulongitha iikondjitho niitopitha. Ehokololo olya tsikile kutya aatamanekwa oya kala taa longo mewiliko lyiikulo ooShambalala naShikongo, mboka wo ya kala nokupewa omalombwelo kombelewa onene oshitopolwa sha SWAPO muAngola.

Kuyele numvo ohofa oya lombwelele okabinete nomukuluntu gwaapolosi yegameno, opo ya mangulule yatatu yomoonkwatwa mboka mokati kawo mwa li Martin Akweenda, ya kwatelwe paveta AG 9 noya kalele ethimbo inaaya falwa koshipala shompangu. Elombwelo ndika olya ningwa sho omupanguli Herbert pamwe nahahende Johan Strydom kwa li ya ti kutya ekwato lyaAkweenda kalya li paveta noka li na omupondo, onkene ya lombwelele ngaaka okabinete nomukuluntu gwaapolosi yegameno Brig. Thomas Thomasse ya mangulule Akweenda mbala noya fute ohofa.

Pashifo The Namibian, nonando elombwelo lya ningilwe ngeyi kokabinete, Martin Akweenda ka li nando a mangululwa shili, oshifo sha ti.

## ESO

Omasiku 19.12.1985, onda tumu omunona gwetu a fale mukwawo koshipangelo shaNgandjera mOkahao. Mokugaluka koshipangelo omumati gwetu osheeli Jairus Aputu yaRuben okwa topelwa komboma yopeke, ndjoka ya fike po ilyo yolutu lwe ayihe.

Okamati okakwawo kopuushinda, Lukius Johannes Angula yaLukius oka kuthwa po ke na okamwenyo okashona noka ka hulithila moshipangelo esiku tuu ndyoka.

Onde mu pandula aaholike amuhe mwa li mwa kwatha ndje muudhigu

mbuka. Omuwa mwene ne mu fute.

Getrud (Iipinga) Amukwaya

Aktofel Petrus Mweendeleli, Oniwe, Onayena omasiku sho ga li 1.8.1986 etitano koshiwike Omuwa Kalunga okwe mu zimbula moshiponga shombaadhilila shoshihauto.

Ileni amuhe hamu longo nomwa lolokithwa ongame otandi mu pe evululuko. Otwa hala oku mu pandula ooyakwetu amuhe mboka mwe tu yambidhidha moluhodhi lwetu koombinga adhihe. Kalunga ne tu kwatheni moohodhi dhetweni.

Peha lyaavalwa  
Jacobine Namutenya Mweendeleli.

Pinchas Nikanor gwomomukunda Onankali, mOndonga, okwa mana oondjenda dhe 11.7.1986 mepipi lyoomvula ndatu.  
Konima yomasiku omugoyi okwa landulwa kokamwayina Fillemon Nikanor ka mana oondjenda dhako 21.7.1986 mepipi lyoomwedhi omulongo.  
Eps.118  
Gumwe gwomaakwanzemo  
S.P.Nangombe

+++++

Bartholomeus Andreas, nedhina lya tseyika nawa Nkondeli, omulongi mOlange nokwa li a penzelwa 1978 okwa mana oondjenda 10.8.1986

muwehame wethimbo ele moshipangelo mOnandjokwe.

Okwa thigi ko omukulukadhi gwe, oyana yane naatekulu yane. Mepipi lyoomvula 67. Uuyuni kau shi egumbo egumbo lyetu omegulu.  
Eimbilo 553  
John.14:1-4

Omwanamati  
Nangolo N.B. Shigwedha  
Nehale Secondary School

+++++

Kaamwameme amuhe mwa li mwe tu hekeleke omolwuhodhi lwetu sho Omuwa e tu kutha omumwameme omuholike Martina Elao 2.6.1986.  
Ohandi mu kundu nEps.46:2  
Warde Nakale  
Onalunike

# OSHZEMO SHAANI-KONDO NAANAMBELEWA MU ELCIN

Oshigongi shaaniikondo naambeleva mu ELCIN sha gongalele mOngwediva eti 24-27 Apilili 1986, osha li sha ningi oshizemo shoshigongi shoka nosha li she shi tumine Elelongeleki.

Onkee elelongeleki lyeti 19-21 Auguste 1986 motokolwa yalyo onti 410 olya tokola opo oshizemo shika shi tuminwe aaniikondo, noombeleva adhihe mu ELCIN naayakuli yalwe moshigwana.

Oshifo shetweni sho shi li po oshishona nehala itali pitika, opo oshizemo shika shi ye mo ashihe pethimbo limwe, onkee otatu kala hatu tula mo iitopolwa niitopolwa sigo oshizemo ashihe sha pwile mo. Kambadhala ano shaa he ku pitilile po.

## Eyakulo momahala gongeleki

Opwa dhimbululwa momahala gamwe mOngeleki ndjika kutya, aayakuli moombeleva oyi ipyakidhila unene noombapila shi vulithe aantu. Komukalo nguka oonakuyakulwa oya kala owala ethimbo ele inaaya mona omupukululi no inaaya yakulwa. Nopoompito dhimwe opwa konekwa kutya, aanambeleva yamwe inaa longitha omalaka gopayakulo kaayakulwa yawo. Omanyenyeto ga fa ngaka ogu uvika wo taga zi momayakulo giipangelo yOngeleki.

Oshigongi otashi indile ewiliko lyOngeleki li konakone eyakulo lyomahala ngoka nkene lya tya, noshinima shi opalekwe mbala, opo eyakulo momahala ngoka li gandje aluhe oshiholelwa oshiwana, shopakriste.

Okwa nyenyetwa olwindji eyakulo lyoshipala (ndi ku shi) miipangelo yOngeleki. Komukalo nguka uukalata waamboka yaa shiwiki (unene aakulupe naamboka yokokule) wa kana nenge wa yakulwa kwa toka.

## AAYAKULWA PULAKENENI!!

Tse otu na owino yokwoopaleka (yokupema) omafufu, nohatu kandula po omaupyakadhi agehe gayo.

Iilongitho yetu ongaashi T.C.B. SPECIAL FEELINGS and SUPER CURL.

Alikana inda mekwathano nomukadhona Buli e li kOnethindi Normal Supermarket nokuNamibia Unisey Hair Salon kOneshila poNamibia Engineering.

Ino dhimbwa ondando yetu yowina R40.00 komutse kehe tagu opalekwa (pemwa) ngeyi!!



Oshigongi shaaniikondo naambeleva shoka sha piitha mo oshizemo shoshigongi shasho sho sha gongalele mOngwediva muApilili numvo, noshe shi tumine Elelongeleki.

Nomushika oshigongi shaayakuli otashi indile shi hulithwe po, naantu ya yakulwe pamalufu gopauyuuki.

Oshigongi osha dhimbulula ekwatho enene li li miigongi yaanashilonga muukumwe. Ihe oshigongi otashi indile wo pu longekidhwe omalweendotalelopo gomahala giikandjo niikondo yi ili noyi ili, opo uukumwe mbuka u tsikile nawa neuvathano ko ewanawa mOngeleki.

## Eputudho lyopakriste mongeleki

Oshigongi osha koneke nkene pu na esiloshimpwiyu lya sha sho pwa dhikwa osenta yeputudho lyopakriste mOngeleki Ashike oshigongi oshi ilongo wo nkene eputudho lyopakriste tali nkundipala momagumbo nomomagongalo. Aanonta yamwe itaa tumwa we koosikola dhOsoondaha, omagumbo oge ndji itaga dhiginine we oowandaha, ehwamo lyokukala momalongelokalunga otali kuluka, iigongi yomavutho goohapu dhaKalunga itayi simanekwa wo we moka amuke ya li ye na okwiilonga inima iipe nokukoleka eitaalo lyawo.

Tse aanashilonga moshigongi shika otwe shi ilongo ishewe natango nkene okwiitekulila muukriste nomeitaalo osho eithano lyetu opo twaa se pambepo, nokaku na esiku natu zimbuka sigo okusa.

Onkene tatu tsu omukumo aagundjuka mboka taa iiputudhitha moosikola dhuutekuligumbo, dhOombimbeli mOngeleki nosho tuu, ya tsikile ngaaka nonando ka pe na manga euvaneke ya ka mone ayehe iilonga. Shoka ye shi ilongo otaa tegelelwa ye shi tule miilonga momagumbo maamwayina nomomagongalo gawo.

## OONKUNDANA PAFUPI IIPANYALA IILE

Skridar Chillar, a valwa 1937 muPoona shaIndia otaku hokololwa kutya oye gumwe e na iipanyala iile muuyuni. Sho a li a yelekwa lwahugunina eti 8 Apilili 1985, iipanyala ye yokoshikaha shokolomoho oya li yi na uule woodeimi 143 noosentimeta 363. Oshipanyala she shomunwe omunene osha li shi na uule woondeimi 341/2 noosentimeta 86,4. Iipanyala ye okwe yi tetele lwahugunina momumvo 1952.

## OKAANA KA VALWA NOMAYEGO

Louis Diendone, ngoka a ka ninga Louis XLV muFulanisa, okwa velelwe eti 5 Septemba 1983 e na omayego.

## OHANGO YA KOSHA ONDILO MUUYUNI

Mohammed, omwanamati gwaShalk Zayid ibn Sa'id al-Makhtum, ngoka a hokana naSalama muMai 1981 muAbu Dhabi, ohango ye otaku tiwa oyo yimwe yomooohango dha kosha ondilo kwaadhihe muuyuni. Ohango ndjika oya dhanene uule womasiku gaheyali. Ohango oya koshele iiponda oomiliyona 22 (£ 22), nomwaalu ogundji ogwa zi mpoka sho a tungitha ehala (stadium) lyaantu ye thike pomayovi omilongo mbali, (20,000).

## AAIHOKANI YA KOKA MUUYUNI

Harry Stevens e na oomvula 103, a hokana Thelma Lucas gwoomvula 84 eti 3 Desemba 1984, ohaku hokololwa kutya oyo yamwe ya hokana ya koka.

## AAIYAKELI YETHIMBO ELE

Aaiyakeli yethimbo ele, oyo Octavio Guillen naAndriana Martinez. Oya ka ninga etokolo lyahugunina ya hokane muJuni 1969 muMexico konima yoomvula 67 dheiyaleko. Ayehe oya li ye na oomvula 82 sho ya tokola ya hokane.

J. Akudhenga

## OMUKWETU

Oye oshifo shOngeleki Onkwaevangeli paLuther yomuSWA/NAMIBIA.

Ohashi nyanyangidhwa mOshinyanyangidho shOngeleki mOniipa.

Omukuluntu gwoshifo omumbisofi Kleopas Dumeni.

Amushanga gwoshifo omusita Sebulon Ekandjo.

Ondando yOmukwetu muNamibia naSouth Africa R5,00 komumvo.

Palwe muAfrica R8,00 nokombanda yomafuta R11,00 komumvo. Mondhila R13,00.

Oondando nomambesitelo agehe naga tumwe kOmukwetu, Oniipa, P/Bag 2013, Ondangwa, 9000.

ELOC PRINTING PRESS  
PRIVATE BAG 2013, TEL. 41, ONDANGWA 900  
SWA/NAMIBIA